

¡BOMBA!

Chichén abrió, como antes, sus puertas a los turistas; pero, para ser realistas, se llenó con comerciantes



K'uintsil

Miércoles 23 de septiembre de 2020

CAMPECHE · YUCATÁN · QUINTANA ROO · AÑO 6 · NÚMERO 1322 · www.lajornadamaya.mx

SEDETURE' KU K'IIMBESIK U MEYAJIL JK'AM XÍINXIMBAL MÁAK TI' MEJEN KAAJO'OB, TU LU'UMIL QUINTANA ROO DEDICA SEDETUR FESTEJOS DEL DÍA MUNDIAL DEL TURISMO A LA PRÁCTICA RURAL



U YÚUCHBEN KÚUCHIL FERROCARRILESE', ESAY WALKILA', KU K'IIMBESIK 100 JA'ABO'OB YANAK

ANTIGUA ESTACIÓN DE FERROCARRILES, EN MÉRIDA, CUMPLE CIENT AÑOS DE VIDA

U yúuchben kúuchil tu'ux ku je'eel chimes k'áak', k'ajóolta'an walkila' beey u najil xook Escuela Superior de Artes de Yucatán (ESAY), táan u k'iimbésik 100 ja'abo'ob, le beetike' jejeláas mola'ayo'obe'

jmúuch'o'ob ti'al u beetiko'ob jump'éeel nu'ukbesaj ti'al u k'iimbésal le kúuchila', ti'al beyo' u ts'aatáanta'al kúuchil tu'ux ya'abach k'a'anan ba'alo'ob úuch ichil u k'ajla'ayil u lak'ilxamanil Jo'. **Oochel ESAY**

PLAYA DEL CARMEN. Te'e ja'aba', u k'iinil Día Mundial del Turismo yaan u jula'al ba'ax k'ajóolta'an beey turismo rural, le beetike', máaxo'ob beet u xíinximbalil meyaj tu lu'umil Quintana Roo' tu beetajo'ob jump'éeel nu'ukbesaj tukulta'an u beeta'al 27 ti' septiembre tak 2 ti' octubre.

“Ti' le ts'ook winalo'oba' patjo'olta'ab jump'éeel meyaj ti'al u mu'uk'ankúunsa'al mola'ayob beetik turismo local, ecoturismo, k'áax, miatsil yéetel u beeta'al janabe'enbalo'ob”, beey úuchik u ya'alik máax jo'olbesik Secretaría de Turismo ti' le lu'umo' (Sedetur), Marisol Vanegas Pérez.

Tu ya'alaj xan: “Ti'al u k'a'ajsa'al Día Mundial del Turismoe', u lu'umil Quintana Roo' ku nojba'alkúunsik máax meyajtik tuláakal ba'ax yaan u yil yéetel turismo; u ajmeyajilo'ob Sedeture' ksúutul beey máaxo'ob tsikbaltik u xíinximbalil ya'abach máako'ob kk'amik, xma' bo'olil ti'al beyo' u páajtal u náaysik u yóol k-ajmeyajo'ob yéetel u láak'tsil'obo', tumen beyo' je'el u k'ajóoltiko'ob u lu'umo'ob yéetel je'elili' u ki'imaktal u yóolo'ob tumen quintanaroi'ob, ti'al beyo' u jach ki'iki' óoltik meyaj ku beetiko'ob. Ba'ale' te'e ja'aba', ma' táan u páajtal kmuch'kínsik ya'abach máak, le beetik t-tukultaj kbeetik meyaj'ob ti' le p'iis k'inila' ti'al u k'ajóolta'al u meyajil turismo ku beeta'al tu mejen kaajilo'ob Quintana Roo'.”

Te'e nu'ukbesajo' tukulta'an u jóok'sa'al jump'éeel payalt'aan ti'al u chíimpolta'al u asab ma'alob nu'ukulil beeta'an tumen turismo rural, tu k'iinil 28 ti' septiembre; u ts'a'abal k'ajóoltbil Héroes de la salud tu k'iinil 29; u tse'ekil Retos y perspectivas del turismo rural en el Caribe Mexicano, tu k'iinil 30, ichil uláak' ba'alo'ob.